

Minister Michelle Winklaar a invita rey y reina di dande na bestuurskantoor.

Gobierno trahando pa Dande haya reconocimiento internacional na Unesco

ORANJESTAD

Minister di cultura Michelle Winklaar a invita rey y reina di dande pa asina duna nan reconocimiento pa e titulo cu nan a logra. Hunto cu nan e mandatario a invita tambe e ganadornan di dande infantil y juvenil pa ta presente.

Mescos gobierno a invita Harry Croes e motor tras di e festival di dande na Aruba pa algun decada caba. Tur cos a cuminsa den oranan di atardi ora cu e rey y reina di dande a yega cu nan banda paranda ta nos.

Den e patio cu tin na bestuurskantoor tur cos a tuma lugar. Un total di cuater dande a wordo canta.

Robert Maduro representante di gobierno a haci apertura na e atardi unda gobierno a duna e reconocimiento na e cantantenan di dande invita. Prome cu e mandatarionan a hiba palabra Paranda

Ta Nos a toca un di nan canticanan promocional. Despues minister di cultura Michelle Winklaar a hiba palabra y trece noticianan masha positivo pa loke ta dande. Harry Croes organizador di dande no tabata tin palabranan pa gradici gobierno pa e balor cu nan a duna dande cu ta parti di nos cultura. Pa gobierno ta un honor di por admira nos hobennan cu tambe ta



bibando cu e dande. Esey ta garantia cu e dande lo keda bibe. Minister Michelle Winklaar a anuncia mesora durante e acto di reconocimiento cu for di cuminsamento di December nan ta trahando riba dje. Mirando e importancia cu dande tin den Aruba su cultura e ta bira algo unico pa nos. Gobierno a cuminsa cu e proceso pa registra dande como un expresion unico cu Unesco. Esaki ta un lista cu tur pais miembro di Unesco tin e oportunidad pa registra algo unico di e pais. Aruba mes awor aki no tin nada registra riba e lista aki. A base di esaki segun Michelle Winklaar nan a bin na e idea pa registra algo asina importante cultural riba e lista. Dande tin tur e rekisitonan aki tambe. E proceso a cuminsa na Decembere por dura un aña cu finalmente e proyecto aki por keda concretiza como un expresion cultural cu lo ser reconoci internacionalmente. Asina mundo completo lo haya sa Kico ta dande y mescos mundo henter lo haya sa cu dande ta unico di Aruba segun minister Michelle Winklaar a splica. Minister plenipotenciario kende ta na Aruba y ta bibe tambe cu e musica di Aruba a hiba palabra y tabata hopi contento di mira e cantidad di hoben cu ta sigui cu e cultura di dande. Na final Harry Croes tambe a conta un tiki di e historia di dande y kico nan mester haci pa por sigui mantene e dande y su festival bibe

Continua B/11

Continuacion di B/10



na Aruba. Despues e rey y reina di e festival di dande a toca nan dande. Mescos hubenil y infantil tambe a canta e dande pa esnan presente mandando bendicion pa e gobierno nobo.

Ora cu e dande a cuminsa toca e dande a saca te hasta prome minister for di su oficina. Mescos e prome mandatario tabata contento di por mira con e dande ta sigui resona riba nos isla y keda bibo den e temporada di fin di aña. Prome minister e aña aki no tabata presente pasobra el a bay atende un entierro na Venezuela.

Durante otro ocasion e tabata tey durante e festivalnan di dande. Tambe minister di cultura pa un mal entendimento no a duna acto di presencia na e festival pero algo asina sigur ta algo cu e tambe como Arubiano ta biba cune tur fin di aña.

Harry Croes a garantiza cu otro aña e mandatario lo haya e invitacion den su man pa evita loke a pasa e aña aki.

